




九〇平本三



温庭筠詩集七卷別集一卷

唐温庭筠撰

明弘治己未刊本

二唐五代

温庭筠詩集序



唐宋名家詩梓行者多矣

李杜韓柳歐王黃蘇蘇之作



載諸文集申故已遍行于

天下近歲韋蘇州集刻于

陝許郢州丁卯集刻于潤

陸放翁澗谷詩選刻于杭
陳履常詩刻于漢中郡其
他未暇盡舉然播誦人口
而流傳四方欣動騷人詞
客之志模劾體裁屬辭比
賦以鳴

國家太平風教民物之盛者
六豈小補之哉唐溫飛卿
詩說者病其風花倚麗或
有累其正氣與李商隱李
長吉輩時號西崑體詩至
此為文章之厄故不肯

列于開元天寶盛唐諸集
中是豈作者之罪哉文章
與時高下亦氣運自然耳
諸君子各所謂同工而異
曲者矣今讀飛卿之凡清
遠柔婉雖若綺麗而時于

理者益寔比之長吉之詭
高隱之僻則又庭筠之所
無也是惡可以弗傳邪集
凡七卷別集一卷共詩若
干首予得之同年進士
顧君華玉顧得之曰維君子

文羅得于江西右族華玉
與予言子文嘗道其人輯
有魏晉以下名人詩七十
餘家皆抄本求盡錄之
有靳容者予聞而隘之用
是銀梓以與韋許諸集並

行于世使其人見之益將
翻然有感于是集之行且
不以藏于私家之為貴而
以達諸天下為功矣異時
俾諸詩散布而傳四方謂
非溫集為之倡也乎姑書

以俟

溫庭筠詩集目錄

卷第一

鷄鳴埭曲

織錦詞

夜宴謠

蓮浦謠

郭處士旣歌

遐水謠

曉仙謠

錦成曲

生襟屏風歌

嘲春風

舞衣曲

張靜婉採蓮曲

湘宮人歌

黃曇子歌

感策歌

照影曲

拂舞詞

太液池歌

雉場歌

雍臺歌

吳苑行

常林歡歌

塞寒行

湖陰詞

蔣侯神歌

漢皇迎春詞

第二卷

蘭塘詞

晚歸曲

故城曲

昆明治水戰詞

謝公壘歌

單魚歌

春洲曲

臺城曉朝曲

走馬樓三更曲

達摩支曲

陽春曲

湘東宴曲

東郊行

水仙謠

東峯歌

會昌丙寅豐歲歌

碌碌古詞

春野行

醉歌

江南歌

堂堂曲

惜春詞

春愁曲

蘇小小歌

春江花月夜詞

懊惱曲

三洲詞

第三卷

春曉曲

獵騎

西州詞

燒歌

馬安寺

和沈參軍觀芙蓉池

寓懷

觀蘭作

秋日

七夕

酬友人

觀舞妓

邊笳曲

經西塢偶題

金庖臺

俠客行

詠曉

芙蓉

勅勒歌塞地

邯鄲郭公詞

古意

齊宮詞

春日

詠春旂

陳宮詞

春日野行

詠頌

裴令公挽歌二首

莊恪太子挽歌詞 二首

劉尚書挽歌詞 二首 太子池 二首

西嶺道士茶歌 過西堡塞北

第四卷

過李憶東歸 六言 開聖寺

賜蜀將 西江貽釣叟騫生

寄清流寺僧 重遊宗密禪師精廬

題李處士幽居 利州南渡

贈李將軍 寒食日作

謝李初寄新醞 郊居秋日有懷

題友人池亭 南湖

贈袁司錄 題西湖寺僧院

偶題 寄閩少府

哭王元裕 法雲双檜

送陳叟 春日野行

溪上行 上翰林蕭舍人

春日偶作 春暮宴罷寄宋壽

馬嵬驛 知道溪君別業

奉天西佛寺

題望苑驛

寄分司元庶子

題柳

和友人悼亡

李羽處士故里

經商山寄友人

池塘七夕

偶遊

寄河北杜少尹

贈知音

過陳琳墓

題崔公池亭

回中作

西江上送漁父

經故崔監舊居

七夕

題常籌博士草堂

和友人題壁

春日寄苗仲

經李徵君故居

送崔郎中

經舊遊

老君廟

過五丈原

和友人傷歌姬

聞邊防因示全志

觀賀知章題壁

題裴晉公林亭

第五卷

車駕西遊有作

傷溫德彝

贈少年

夏中病疔作

贈徵君

題友人居

題李相勅賜屏風

蔡中郎墳

元處士池上

華陰帝氏林亭

寄裴生乞釣釣

長安晚春 二首

雪中作 三月十八日

咸陽值雨

彈箏人

瑤琴怨

題端正樹

渭上題 三首

經故袁學士居

題杜邠公林亭

夜看牡丹

宿城南亡友別墅

過分水嶺

鄠杜郊居

題河中紫極君

四皓

贈張練師

第六卷

秋病書懷呈友人 一百韻

感舊陳情 五十韻 獻淮南李僕射

題翠微寺 二十韻

過華清宮 二十二韻

過孔北海墳 二十韻

洞戶 二十二韻

第七卷

送洛陽李主簿

巫山神女廟

地脉山春日

題陳處士幽居

握柘詞

題盧處士山居

初秋寄友人

題王相林亭 二首

早秋山居

和遊盤石寺

送人南遊

贈鄭處士

江岸即事

贈隱者

渚宮晚春寄友人

碧澗驛曉思

送并州郭書記

贈越僧 二首

詠山鷄

題採藥翁尊堂

商山早行

題竹谷神祠

途中有懷

經李處士別業

登李羽士東樓

題僧秦恭院 二首

西遊書懷

送人東作

寄山中友人

隅題

贈攷功盧郎中

題蕭山廟

寄李員外 二首

和段少常柯古

海榴

李先生別墅 望僧舍

敷水小桃盛開因作

溫庭筠詩集目錄終

溫庭筠詩別集目錄

寄山中人

送淮陰孫令之官

宿輝公精舍

旅泊新津寄知己

贈僧雲栖

雪夜與女生同宿
曉寄近鄰

題造微禪師院

正見寺曉別生公

旅次盱眙縣

鄆郊別墅寄所知

京兆公池上作

盧氏池上遇雨

嘲春風

詠春幡

春日

題薛昌之所居

東歸有懷

休澣日西掖謁所知

博山

送盧處士遊吳越

過新豐

過潼關

題西平王舊賜屏風

河中陪師遊寺

和趙嘏題岳寺

貽釣叟騫生

蘇武廟

客送偶作

寒食前有懷

宿雲際寺

寄岳州李員外

遊南塘寄知者

寄盧生

春日訪李十四處士

宿松門寺

詠寒宵

寄渚宮弘里生

入裴氏林採漁竿

春日

洛陽

題賀知章故居疊韻作

雨中與先生期垂釣先後相失因作

溫庭筠詩別集目錄終

溫庭筠詩集卷第一

鷄鳴埭曲

長安鄭振鐸書
請并也

南朝天子射雉時
銀河耿耿星參差
銅壺漏斷
夢初覺
寶馬塵高人未知
魚躍蓮東蕩
宮沼濛濛
御柳懸棲鳥
紅粧萬戶鏡
中春碧樹一聲天
下曉盤踞勢窮三百年
朱方殺氣成愁煙
彗星拂地浪連海
戰鼓渡江塵漲天
繡龍畫雉填宮井
野火風驅燒九鼎
殿巢江燕砌生蒿
十二金人霜炯炯
芊綿平綠臺城基
暖色春容荒古陂

寧知玉樹後庭曲留待野棠如雪枝

織錦詞

丁東細漏侵瓊瑟影轉高梧月初出簇發金梭
萬綫紅鴛鴦艷錦初成足錦中百結皆同心藥
亂雲盤相間深此意欲傳傳不得玫瑰作柱朱
絃琴爲君裁破合歡被星斗迢迢一作共千里
象尺熏爐未覺秋碧池已有新蓮子

夜宴謠

長釵墜髮双蜻蜒碧盡山斜開畫屏虬鬚公子

五侯客一飲千鍾如建瓴鴛咽妖唱圓無節眉
欽湘煙袖迴雪清夜恩情四座同莫令溝水東
西別亭亭蠟淚香珠殘暗露曉風羅幕寒飄颻
戟帶儼相次二十四枝龍畫竿裂管縈絃共繁
曲芳樽細浪傾春醪高樓客散杏花多脉脉新
蟾如瞪目

蓮浦謠

鳴撓軋軋溪溶溶廢綠平煙吳苑東水清蓮媚兩
相向鏡裏見愁愁更紅白馬金鞍大堤上西江日

夕多風浪荷心有露似驪珠不是真圓亦搖蕩
郭處士擊甌歌

信粟金虬石潭古勺陂激滯幽脩語湘君室馬
上神雲碎珮叢鈴滿煙雨吾聞 六宮花離

離軟風吹春星斗稀玉晨吟磬破昏夢天露未
乾香着衣蘭釵委墜垂雲髮小響丁當逐迴雪
晴碧煙滋重疊山羅屏半掩桃花月太平天子
駐雲車龍鑪勃鬱雙蟠拏宮中近臣抱扇立侍
女低鬟落翠花亂珠觸續正跳蕩傾頭不覺金

烏斜我亦為君長歎息絨情遠寄愁無色莫沾
香夢綠揚絲千里春風正無力

遐水謠

天兵九月渡遐水馬踏沙鳴驚鴈起殺氣空高
萬里情塞寒如箭雙眸子浪煙堡上霜漫漫枯
葉彌風天地乾犀帶鼠裘無暖色清光炯冷黃
金鞍虜塵如霧昏亭障隴首年年飛漢將麟閣
無名期未歸樓中思婦徒相望

曉仙謠

玉妃喚月歸海宮月色澄白涵春空銀河欲轉
星靨靨碧浪疊山埋早紅宮花有露如新淚小
苑叢叢入寒翠綺閣空傳唱漏聲網軒天辨凌
雲子遙遙珠帳連湘煙鶴扇如霜金骨仙碧簫
曲盡綵霞動下視九州皆悄然秦王女騎紅尾
鳳半空回首晨鷄弄霧蓋狂塵億兆家世人猶
作牽情夢

錦城曲

蜀山攢黛留情雪簌簌笋蕨芽繁九折江風吹巧

剪霞綃花上千枝杜鵑血杜鵑飛入巖下叢夜
叫思歸山月中巴水漾情情不盡文君織得春
機紅怨魄未歸芳草死江頭學種相思子樹成
寄與望鄉人白帝荒城五十里

生禱屏風歌

玉墀暗接崑崙崙井井上無人金索冷畫壁陰森
九子堂階前細月鋪花影繡屏銀鴨香霧濛天
上夢歸花繞叢茸男漫作後庭草不似櫻桃千
子紅

嘲春風

春風何處好別發饒芳草
荇嫋轉鳶旗菱蕤吹
雉葆揚芳歷九門溘蕩入蘭蓀
爭柰白團扇時偷主恩

舞衣曲

藕腸纖縷抽輕春烟機漠漠嬌娥頰
金梭浙瀝透空薄剪落交刀吹斷雲
張家公子夜聞雨夜向蘭堂思楚舞
蟬衫麟帶壓愁香偷得鸞簧鏤金縷
管含蘭氣矯語悲胡槽雪腕鴛鴦絲
芙蓉

力弱應難定楊柳風多不自持
迴嚔笑語西窓客星斗寥寥波脉脉
不逐秦王捲象床滿樓明月梨花白

張靜婉採蓮歌

并序

靜婉羊侃妓也其容絕世侃自為採蓮
二曲今樂府所存失其故意因歌以俟
採詩者事具載梁史

蘭膏墜髮紅玉春燕釵拖頸拋盤雲城邊楊柳
向嬌晚門前溝水波翻翻麒麟公子朝天客珂

一作焉璫璫渡春陌掌中無力舞衣輕剪斷鮫
綃破春碧抱月飄煙一尺腰麝臍龍髓憐嬌燒
秋羅拂水碎光連露重花多香不銷鷓鴣交交
膠膠塘水滿綠芒如粟蓮莖短一夜西風送雨
來粉痕零落愁紅淺船頭折藕絲暗牽藕根連
子相留連郎心似月月未缺十五十六清光圓

湘宮人歌

池塘芳意濕夜半東風起生綠畫羅屏金壺貯
春水黃粉楚宮人芳花玉刻鱗娟娟照棊燭不

語兩含嘖

感策歌

李相妓久吹

蠟煙如燾新蟾滿門外平沙草芽短黑頭丞相
九天歸夜聽飛瓊吹朔管情遠氣調蘭蕙薰天
香瑞彩含細縕皓然纖指都搗血日暖碧蕭無
片雲含商且徵雙幽咽軟轂踈羅共蕭瑟不盡
長圓疊翠愁柳風吹破澄潭月鳴梭浙瀝金絲
藥恨語殷勤隴頭水漢將營前萬里沙更深一
一霜鴻起十二樓前花正繁交枝簇蒂連壁門

景陽宮女正愁絕莫使此心催斷魂

照影曲

景陽粧罷瓊窓暖欲照澄明香步懶橋上衣多
抱彩雲金鱗不動春塘滿黃印額山輕為塵翠
鱗紅穉俱含頰桃花百媚如欲語曾為無双今
兩身

拂舞詞

黃河怒浪連天來大響肱肱如發雷龍伯驅風
不敢上白川噴雪高崔嵬二十五絃何太哀請

公莫渡立徘徊下有狂蛟鋸為尾裂帆截棹磨
霜齒神推鑿石塞神潭白馬趁輝赤塵起公乎
躍馬揚玉鞭滅沒高蹄日千里

太液池歌

腥鮮龍氣連清防花風漾漾吹細光疊瀾不定
照天井倒影蕩搖晴翠長平碧淺春生綠塘雲
容雨態連青蒼夜深銀漢通栢梁二十八宿朝

玉堂

雉場歌

菱葉萋萋接煙曙鷄鳴埭上梨花露彩仗鏘鏘
已合團綉翎白頸遙相妬雕尾扇張金縷高碎
鈴素拂驪駒豪綠場紅跡來相接箭發銅牙傷
彩毛麥隴桑陰小山晚六虬歸去凝笳遠城頭
却望幾含情青畝春蕪連石苑

雍臺歌

太子池南樓百尺八窓新樹疎簾隔黃金鋪首
盃鉤陳羽葆停幢拂交戟盤紆欄楯臨高臺殿
帳臨流鳶扇開早鴈驚鳴細波起映花鹵簿龍

飛迴

吳苑行

錦雉雙飛梅結子平春遠綠窓中起吳江澹盃
水連空三尺屏風隔千里小苑有門紅扇開天
絲舞蝶共徘徊綺戶雕楹長若此韶光歲歲如
歸來

常林歡歌

宜城酒熟花覆橋沙晴綠鴨鳴咬咬濃桑繞舍
麥如尾幽軋鳴機雙燕巢馬聲特特荆門道蠻

水揚光色如草錦薦金鑪夢正長東家呬啞鷄
鳴早

塞寒行

燕弓弦勁霜封瓦撲簌寒鵬睇平野一點黃塵
起鴈喧白龍堆下千蹄馬河源怒濁風如刀剪
斷朔雲天更高晚出榆關遂征北驚沙飛迸衝
貂袍心許凌煙名不滅年年錦字傷離別彩毫
一畫竟何榮空使青樓淚成血

湖陰詞 并序

上敦奉兵至湖陰明帝微行視其營伍
由是樂府有湖陰曲而亡其詞因作而
附之

祖龍黃鬚珊瑚鞭鐵驄金面青連錢虎鬚拔劍
欲成夢日壓賊營如血鮮海旗風急驚眠起甲
重光搖照湖水蒼黃追騎塵外歸森索妖星戰
前死五陵愁碧春萋萋灞川玉馬空中嘶羽書
如電入青瑛雪腕如槌催畫鞞白虬天子金煌
銚高臨帝座迴龍章吳波不動楚山晚花壓欄

下春晝長

蔣侯神歌

楚神鐵馬金鳴珂夜動蛟潭生素波商風刮水
報西帝廟前古樹蟠白虵吳王赤芥斫雲陣
堂列壁叢霜刃巫蛾傳意托悲絲鐸語琅琅
理雙鬢湘烟刷翠湘山斜東方日出飛神鴉青雲
自有黑龍子潘妃莫結丁香花

漢皇迎春詞

春草芊芊晴掃煙宮城大錦紅殷於閑反鮮海日

初融照仙掌淮王小墜纓鈴響獵獵東風燄赤
旗畫神金甲葱籠網鉅公步輦迎勾芒復道掃
塵燕萼長豹尾竿前趙飛燕柳風吹盡眉間黃
碧草含情杏花喜上林鸞嘒遊絲起寶馬搖環
萬騎歸恩光暗入簾櫳裏

溫庭筠詩集卷第一

溫庭筠詩集卷第二

蘭塘詞

塘水汪汪鳧唼喋憶上江南木蘭檝綉頸金鬚
蕩倒光團團皴綠鷄頭葉露凝荷卷珠淨圓紫
菱刺短浮根纏小姑歸晚紅粧淺鏡裏芙蓉照
水鮮東溝繡繡勞迴首欲寄一杯瓊液酒知道
無郎却有情長教月照相思裊

晚歸曲

格格水禽飛帶波孤光斜起夕陽多湖西山淺

似相笑菱刺惹衣攢黛蛾青絲繫船向江木蘭
芽出土吳江曲水極晴搖泛灑紅草平春染煙
綿綠玉鞭騎馬楊叛兒刻金作鳳光參差丁丁
暖漏滴花影催入景陽人不知弯堤弱柳遙相
矚雀扇團圓掩香玉蓮塘艇子歸不得柳暗桑
穠聞布穀

故城曲

漠漠沙堤煙堤西雉子班雉声何角角麥秀陰
桑開遊絲蕩平綠明滅時相續白馬金絡頭東
風故城曲故城殷貴嬪曾占未來春自從香骨
化飛作馬蹄塵

昆明治水戰詞

汪汪積水光連空重疊細紋晴激紅赤帝龍孫
鮮甲怒臨沉一時生陰風鼉鼓三聲報天子雕
旌獸艦凌波起雷吼濤驚白石山石鯨眼裂蟠
蛟死滇池海浦俱喧騰青幟白旌相次來箭羽
槍纓三百萬踏翻西海生塵埃茂陵仙去菱花
老啞啞遊魚近煙島渺莽殘陽釣艇歸綠頭江

鴨眠沙草

謝公墅歌

朱雀航南繞香陌謝郎東墅連春碧鳩眠高柳
日方融綺榭飄颻紫庭客文楸方罨花參差心
陣未成星滿池四座無喧梧竹靜金蟬玉柄俱
持頤對局含情見千里都城已得長虵尾江南
王氣繫疎襟未許符堅過淮水

罩魚歌 雜言

朝罩罩城南暮罩罩城西兩漿鳴幽幽蓮子相

高低持罩入深水金鱗大如手魚尾迸圓波千
珠落細藕風颺颺雨離離菱尖刺鷓鴣飛水連
網眼白如影浙瀝蓬吉寒點微楚岸有花花蓋
屋金塘柳色前溪曲悠溶杳若去無窮五色澄
潭鴨頭綠

春洲曲

韶光染色如娥翠綠濕紅鮮水容媚蘇小慵多
蘭渚閑融融浦日鷓鴣寐紫駟蹀躞金銜嘶堤
上揚鞭烟草迷門外平橋連柳堤歸來晚樹黃

鸞啼

臺城曉朝曲

司馬門前柳千炬
闌干星斗天將曙
朱網龜鬚丞相車
曉隨疊鼓朝天去
博山鏡樹香茸裏
裏浮航金畫龍
大江歛勢避辰極
兩闕深巖煙翠濃

走馬樓三更曲

春姿暖氣昏神沼
李樹拳枝紫芽小
玉皇夜入未央宮
長火千條照樓鳥
馬過平橋通畫堂
虎

幡龍戟風飄揚
簾間清唱報寒點
丙舍無人遺燼香

遶摩支曲 雜言

擣麝成塵香不滅
拘蓮作寸絲難絕
紅淡文姬洛水春
白蘋蘇武天山雪
君不見無愁高綿花
漫漫漳浦晏餘清
露寒一旦臣僚共
囚虜欲吹羌管先
沈瀾舊臣頭髮霜
華早可惜雄心醉
中老萬古春歸夢
不歸鄴城風雨連
天草

陽春曲

雲母空窓曉煙薄香昏龍氣凝輝閣霏霏霧雨
杏花天簾外春威著羅幕曲欄伏檻金麒麟沙
苑芳郊連翠首廐馬何能啣芳草路人不敢隨
流塵

湘東宴曲

湘東夜宴金貂人楚女含情嬌翠頰玉管將吹
挿鈿帶錦囊斜拂双麒麟重城漏斷孤帆去唯
恐瓊籤報天曙萬戶沉沉碧樹圓雲飛雨散知
何處欲上香車俱脉脉清歌響斷銀屏隔堤外

紅塵蠟

一作

炬歸樓前澹月連江白

東郊行

聞鷄臺下東西道柳覆班駉紫草垞靄韶容
鑠澹愁青筐葉盡蚕應老綠渚幽香生白蘋差
差小娘吹魚鱗王孫騎馬有歸意林彩着空如
細塵安得人生各相守燒舩破棧休馳走世上
方應無別離路傍更長千枝柳

水仙謠

水客夜騎紅鯉魚赤鷺双鶴蓬瀛書輕塵不起

雨新霽萬里孤光含碧虛露魄冠輕見雲髮寒
絲七炷香泉咽夜深天碧亂山姿光碎平波滿
船月

東峯歌

錦礫潺湲玉溪水曉來微雨藤花紫冉冉山鷄
紅尾長一聲樵斧驚飛起松刺流空石差齒煙
香風軟人參藥陽崖一夢伴雲根仙首灵芝夢
魂裏

會昌丙寅豐歲歌雜言

丙寅歲休牛馬風如吹煙日如溼赭九重天子
調天下春綠將年到西野翁生兒童門前好樹
青芊茸芊茸單衣麥田路村南娶婦桃花紅新
姑車石及門柱粉項韓憑双扇中喜氣自能成
歲豐農祥爾物來爭功

碌碌古詞

左亦不碌碌右亦不碌碌野草自根肥麤牛生
健犢融蠟作杏蒂男兒不戀家春風破紅意女
頰如桃花忠言未見信巧語翻咨嗟一鞞無一

作兩月一作徒勞油壁車

春野行雜言

草淺淺春初剪花壓李娘愁飢蚕欲成蚕東城
少年氣堂堂金丸驚起雙鴛鴦含羞更問衛公
子月到枕前春夢長

醉歌

簷柳初黃燕新乳曉碧芊綿過微雨樹色深含
臺榭情鶯舌巧作煙花主錦袍公子陳盃觴撥
醅百甕春酒香入門下馬問誰在降堦握手登

華堂臨邛美入連山眉低抱琵琶含怨思朔風
繞指我先笑明月入懷君自知勸君莫惜金樽
酒年少須臾如覆手辛勤到老慕簞瓢於我悠
悠竟何有洛陽盧仝一作稱文房妻子脚秃春
黃糧阿羣光顏不識字指麾豪儁如驅羊天犀
壓斷朱鸕鼠瑞錦驚飛金鳳凰其餘豈足露牙
齒欲用何能報天子駑馬垂頭捨眼塵驢騮一
日行千里但有沈冥醉客家支頤瞪目持流霞
唯恐南國風雨落碧蕪狼藉棠梨花

江南曲 五言

妾家白蘋浦日上芙蓉檝
軋軋搖漿聲移舟入
菱葉溪長菱葉深作底
難相尋避郎郎不見鷓
鴒自浮沉拾萍萍無根
採蓮蓮有子不作浮萍
生寧為藕花死岸傍騎
馬郎烏帽紫遊韉含愁
復含笑迴首問橫塘
妾住金陵浦門前朱雀
航流蘇持作帳芙蓉持
作梁出入金犢憶兄弟
侍中郎前年學歌舞定
得郎相許連娟眉繞山
依約腰如柳鳳管悲若
咽鷓鴣紗嬌欲語扇薄
露紅

鉛羅輕壓金縷明月西南樓
珠簾玳瑁鈎橫波
巧能笑弯蛾不識愁花開子
留樹草長根依土
上聞金溝遠衣事歸郎許不
學揚花白朝朝淚
如雨

堂堂曲

錢塘圻上春如織
森森寒潮帶晴色
淮南遊客馬連嘶
碧草迷人歸不得
風飄客意如吹煙
纖指殷勤傷鴈絃
一曲堂堂紅燭遙
長鯨瀉酒如飛泉

惜春詞

百舌問花花不語
低迴似恨橫塘雨
蜂爭粉蕊蝶分香
不似垂楊惜金縷
願君留得長妖韶
莫逐東風還蕩搖
秦女含嚔向煙月
愁紅帶露空迢迢

一作
寥寥

春愁曲

紅絲穿露珠簾冷
百尺啞啞下纖綆
遠翠愁山入卧屏
兩重雲母空烘影
涼簷墜髮春眠重
玉兔温氤柳如夢
錦疊空床委墜紅
颺颺掃尾双

金鳳峰喧蝶駐俱
一作戲悠揚柳拂赤欄纖
草長
覺後梨花委平綠
春風和雨吹池塘

蘇小小歌

買蓮莫破券
買酒莫解金
酒裏春容抱離恨
水
中蓮子懷芳心
吳宮女兒腰似束
家在錢塘小江曲
一自擅郎逐便風
門前春水年年綠

春江花月夜詞

玉樹歌闌海雲黑
花庭忽作青蕪國
秦淮有水水無情
還向金陵漾春色
揚家二世安九重
不

御華芝蕙六龍百幅錦帆風力滿連天展盡金
芙蓉珠翠丁星復明滅龍頭劈浪哀笳發千里
涵空澄水魂萬枝破鼻飄香雪涌轉霞高滄海
西玻璃枕上聞天鷄蜜絃代寫曲如語一醉昏
昏天下迷四方傾動煙塵起猶在濃團夢魂裏
後主荒宮有曉鶯飛來只隔西江水

懊惱曲

藕絲作線難勝針藥粉染黃那得深玉白蘭芳
不相顧青一作樓一笑輕千金莫言自古皆如

此健劍刺鐘鉛繞指三秋庭綠盡迎霜惟有荷
花守紅死廬西一作江小吏朱班輪柳縷吐芽香
玉新兩股金釵已相許不令獨作空成塵悠悠
楚水流如馬恨紫愁紅滿平野野土千年怨不
平至今燒作鴛鴦瓦

三洲詞

團圓莫作波中月潔白無為枝上雪月隨波動
碎潏潏雪似梅花不堪折李娘十六青絲髮盃
帶双花為君結門前有路輕別離唯恐歸來舊

香滅

温庭筠詩集卷第二

温庭筠詩集卷第二



21410